

U D H Ë Z I M
Nr.1, datë 15. 8.2003

**PËR RAPORTIMIN E GJENDJES NUMERIKE TË DRURËVE FRUTORË DHE
DOKUMENTET QË DUHEN PLOTËSUAR PËR LEJIMIN E PRERJES SË TYRE.**

Në mbështetje të nenit 102 të Kushtetutës së Republikës të Shqipërisë, të neneve 4 dhe 9 të ligjit nr.7929, datë 11.5.1995 “Për mbrojtjen e drufruturëve”, Ministri i Bujqësisë dhe i Ushqimit

UDHËZON:

1. Raportimi i gjendjes numerike të drurëve frutorë.

1.1. Raportimi i gjendjes numerike të drurëve frutorë në ngastra, blloqe e të shpërndara bëhet nëpërmjet inventarit periodik dhe evidencës së përvitshme.

1.2. Inventari periodik i gjendjes numerike të drurëve frutorë realizohet nëpërmjet inventarizimit të përgjithshëm e të kadastrimit që bëhet me urdhër të posaçëm të Ministrit të Bujqësisë dhe të Ushqimit.

1.3. Evidenca e përvitshme pasqyron ndryshimet e gjendjes së drurëve frutorë çdo vit dhe bëhet duke u mbështetur:

- në gjendjen e një viti më parë;
- në pakësimet gjatë vitit raportues që ndodhin nga tharjet natyrale, shkulljet, prerjet që kanë ardhur për arsye të ndryshme ose ndryshim të destinacionit të tokës;
- në shtesat që realizohen nga zënit e rezultuara të mbjelljeve të reja gjatë sezonit të mbjelljeve që i përket vitit raportues.

1.4. Evidenca e përvitshme e drurëve frutorë plotësohet nga drejtoritë rajonale të bujqësisë dhe të ushqimit, të cilën e dërgojnë në Ministrinë e Bujqësisë dhe të Ushqimit më 31 dhjetor të çdo viti, sipas modelit nr.1 bashkëngjitur, të shoqëruar me një relacion shpjegues për argumentimin e pakësimeve dhe shtesave.

1.5. Për realizimin e raportimit të gjendjes numerike të drurëve frutorë, drejtoritë rajonale të bujqësisë dhe të ushqimit, në bashkëpunim me organet e pushtetit vendor, krijojnë regjistrat e fondit të drurëve frutorë (me specie e varietete) për çdo fshat, komunë dhe/ose bashki dhe në shkallë qarku, ku vazhdimisht pasqyrohen ndryshimet e ndodhura si më poshtë:

a. Pakësimet në rrënjë dhe sipërfaqe, sipas rastit:

- prerje e shkullje me leje;
- prerje e shkullje pa leje, të evidentuara;
- prerje e shkullje për ndërtime publike, për të cilat ka legjislacion të posaçëm;
- tharje natyrale nga moshë e sëmundjet e dëmtuesit, të evidentuara;
- shkullje e tharje nga rrëshqitjet e tokës etj;
- nga ndryshimet e destinacionit të tokës, etj.

b. Shtesat në rrënjë dhe sipërfaqe, sipas rastit:

- zënit që rezultojnë sipas të dhënave që mbahen për mbjelljet e reja;
- sipërfaqja e tokës (ngastra e blloqe) që kthehet me destinacion për drurët frutorë me mbjelljet

e reja.

2. Dokumentet që duhen plotësuar për lejimin e prerjes së drurëve frutorë.

2.1. Për lejet që janë në kompetencë të Drejtorisë së Prodhimit Bimor dhe Mbrojtjes së Bimëve në Ministrinë e Bujqësisë dhe të Ushqimit, për prerjet (shkulljet) e ullinjve, koleksioneve të pemëve frutore, agrumeve dhe vreshtave, si dhe të bimëve drufrutore të vetmuara e të regjistruara për vlerat e veçanta gjenetike, fermerët, personat fizikë e juridikë paraqesin këto dokumente:

a. Kërkesën (sipas modelit të dërguar me rregulloren “Për mbrojtjen e drurëve frutorë”).

b. Vërtetimin nga kryepaqësia e fshatit për pronësinë dhe argumentimin e prerjes ose shkulljes.

c. Lejen e ndërtimit të dhënë nga organi kompetent, në rastet e ndërtimeve publike apo private.

d. Raportin teknik të një grupi specialistësh të Drejtorisë Rajonale të Bujqësisë dhe të Ushqimit e të komunës dhe/ose bashkisë.

e. Miratimin nga Instituti i Pemëtarisë dhe Banka Gjenetike për rastet e koleksioneve dhe bimëve të regjistruara për vlera të veçanta gjenetike.

Mbështetur në dokumentet e sipërpërmendura, Drejtoria Rajonale e Bujqësisë dhe e Ushqimit i propozon zyrtarisht Drejtorisë së Prodhimit Bimor dhe Mbrojtjes së Bimëve në Ministrinë e Bujqësisë dhe të Ushqimit për dhënien e lejeve.

Brenda 15 ditëve nga arritja e propozimit, Drejtoria e Prodhimit Bimor dhe Mbrojtjes së Bimëve bën verifikimet e nevojshme dhe jep përgjigje zyrtare.

2.2. Për lejet që janë kompetencë e Drejtorisë Rajonale të Bujqësisë dhe të Ushqimit për prerje e shkulje:

- të mbi 0.1 ha pemishte, agrumishte e vreshta dhe

- të arrës në të gjitha rastet,

fermerët, personat fizikë e juridikë paraqesin këto dokumente:

- a. dokumentet sipas germave a, b dhe c të pikës “ 2.1”;

- b. raportin teknik të specialistit të degës së bujqësisë në komunë dhe/ose bashki.

Brenda 15 ditëve nga paraqitja e kërkesës së subjektit, Drejtoria Rajonale e Bujqësisë dhe e Ushqimit, pasi bën verifikimet e nevojshme, jep përgjigje zyrtare.

2.3. Për lejet që janë në kompetencë të specialistit të degës së bujqësisë në komunë dhe/ose bashki, për prerjen apo shkuljen e:

- e pemëve frutore e agrumeve të shpërndara të pemishteve e vreshtave deri në 0.1 ha, fermerët, personat fizikë dhe juridikë paraqesin dokumentet sipas germave "a", "b" të pikës "2.1".

Brenda 15 ditëve nga paraqitja e kërkesës së subjektit dhe dokumenteve shoqëruese, specialisti i degës së bujqësisë në komunë dhe/ose bashki pas verifikimeve të nevojshme, jep përgjigje zyrtare.

3. Për zbatimin e këtij udhëzimi ngarkohen drejtoritë rajonale të bujqësisë dhe të ushqimit.

Ky udhëzim hyn në fuqi pas botimit në Fletoren Zyrtare.

MINISTRI I BUJQËSISË DHE I USHQIMIT

Agron Duka

Evidenca vjetrove e gjendjes numerike te drufrutoreve per vitin

[illegible]

1	2	3	4	5	6	7	8	9	10	11	12	13	14
II.	ULLINJ GJITHSEJ												
1.	Per kripje												
	Varietet.....												
2.	Per vaj												
	Varietet.....												
3.	Per kripje e vaj												
	Varietet.....												
III.	AGRUME GJITHSEJ												
1.	Portokalle												
	Varietet												
2.	Mandarina												
	Varietet												
3.	Limona												
	Varietet												
4.	Agrume tjera												
IV.	PIERGULLA + EREKE												
1.	Varietete per rrush tavoline												
	Varietet												
2.	Varietete per rrush vere												
	a. Per vere te kuqe												
	Varietet												
	b. Per vere te bardhe												
	Varietet												
V.	VRESHTA PER RRUSH												
1.	Varietete per rrush tavoline												
	Varietet												
2.	Varietete per rrush vere.												
	a. Per vere te kuqe												
	Varietet												
	b. Per vere te bardhe												
	Varietet												
VI.	VRESHTA "MEME" ANTI-FILOKSERIKE (per nensharrës)												
	Varietet												

Shënim : Ne regjistrat qe do mbahen per cdo fshat, komune e rreth dhe ne evidencen vjetore qe do dergohet zyrtarisht ne Ministrine e Bujqesise dhe Ushqimit do te perfshini te gjitha speciet e kultivuara dhe varietetet qe evidentohen.Per raste qe nuk dihen te perfshihen ne varietete te tjera.